

Тавбанинг вожиблиги | Тазкия дарслари (308-дарс)



19:00 / 23.11.2024 2428

Тавба қилиш банда учун вожиблиги ҳақидаги далиллар жуда ҳам кўп.
Намуна учун баъзиларини зикр қиламиз.

Аллоҳ таоло шундай марҳамат қилади:

﴿تَفْلِحُونَ لَكُمْ الْمُؤْمِنُونَ أَيْهَ جَمِيعًا اللَّهُ إِلَىٰ وَتُوبُوا﴾

«Барчангиз Аллоҳга тавба қилинг, эй мўминлар! Шоядки, зафар топсангизлар» (Нур сураси, 31-оят).

Аллоҳ таоло яна шундай марҳамат қилади:

«Эй иймон келтирганлар! Аллоҳга холис тавба қилинглар!» (Таҳрим сураси, 8-оят).

هَلَلَا يَضُرَّ رَمْعًا نُبَا نَع
يَلَّصَ هَلَلَا لُؤْسَرَّ نَأ ، اَم ه ن ع
اَي « : ل ا ق م ل س و ه ي ل ع ه ل ل ا
ي ل ا ا و ب و ت ، س ا ن ل ا ا ه ي ا
ي ف ب و ت ا ي ن ا ف ، ه ل ل ا
ه ا و ر . « ر م ة ا م ه ي ل ا م و ي ل ا
ي ذ م ر ت ل ا و م ل س م

Ибн Умар розияллоҳу анҳумодан ривоят қилинади:

«Расулulloҳ соллalloҳу алайҳи васаллам:

«Эй одамлар! Аллоҳга тавба қилинглар! Мен Унга ҳар куни юз марта тавба қиламан», дедилар».

Муслим ва Термизий ривоят қилишган.

Тавбанинг вожиблигига мусулмон уммати ижмоъ қилган. Чунки гуноҳлар бандани Аллоҳ таолодан узоқлаштирувчи ва ҳалокатга олиб борувчидир. Шунинг учун ҳам улардан қочиш ва тавба қилиш вожиб бўлади.

Тавбани давомли равишда қилиш вожибдир. Зеро, банда ким бўлишидан қатъи назар, гуноҳқордир. У аъзолари билан гуноҳ қилишдан сақланган

чоғида ҳам қалбида гуноҳни режа қилиши мумкин. Ундан ҳам сақланганда, шайтоннинг васвасасига йўлиқиши бор. Бунга ўхшаш нарсалар анчагина.

Шунинг учун ҳам давомли равишда тавба қилиб туриш лозим. Бу иш ўта муҳим ҳисобланади. Набий соллаллоҳу алайҳи васаллам ҳам бу ишни ҳар куни қилиб турганлар.

هُلَلَا يَضَرَّ رِيَّهَ يَبَّأُ نَع
هُلَلَا يَلَّصَّ يَبَّنَلَا نَع، هُنَع
هُلَلَاوُ: لَأَقَمَّ لَسَوِ هِيَلَع
بُؤْتَاوُ هَلَلَا رَفَعَتْ سَأَلُ يِّنَا
نِيغَبَسَ مَوِيَلَا يِفِ هِيَلَا
يِرَاخُبَلَا هَاوُر. «رَمَّ

Абу Ҳурайра розияллоҳу анхудан ривоят қилинади:

«Набий соллаллоҳу алайҳи васаллам:

«Аллоҳга қасамки, мен Аллоҳга бир кунда етмиш марта истиғфор айтиб, тавба қиламан», дедилар».

Бухорий ривоят қилган.

«Руҳий тарбия» китобининг 2-жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2021 йил 14 апрелдаги 03-07/2439-рақамли хулосаси асосида чоп этилган.